



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 483. Usque Ad Annum 561.

**Fleury, Claude**

**August. Vind. [u.a.], 1759**

**VD18 90117824**

§. 38. Concilium. Absolutio Miseni.

---

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum V. vero ille advenit, qui vere simul Rex est,  
 A. C. 495. & Pontifex, Imperator Pontificis Nomi-  
 ne abstinuit, nec Pontifex Dignitatem Re-  
 galem ultra usurpavit. Quamvis enim  
 Diversitas Potestatis Ecclesiasticæ & Sæcularis. omnia Jesu Christi membra Genus Re-  
 gale, & Sacerdotale dicantur, nihilomi-  
 nus Deus cognoscens infirmitatem huma-  
 nam, & suos per virtutem Humilitatis  
 salvare volens, unius, & alterius Potesta-  
 tis, Munera separavit, ita ut Imperato-  
 res Christiani Pontificum opera indige-  
 rent ad vitam æternam consequendam, &  
 Pontifices in causis temporalibus Impera-  
 torum Mandatis morem gererent. Qui  
 Deo servit, non implicetur negotiis sæcu-  
 laribus, & qui iis alligatus est, Res Di-  
 vinas non gubernet. Sic Ordo uterque  
 in Moderatione conservatur, & uterque  
 status ea, quæ sibi congruunt, peragit.  
 Hæc Gelasii Papæ verba sunt.

## §. XXXVIII.

## Concilium. Absolutio Miseni.

to. 4. p. 1269. Gelasius Papa eodem anno 495. Via-  
 tore Consule 13. Maji Romæ Con-  
 cilium celebravit, quadraginta quinque  
 Episcoporum, quos inter S. Epiphanius  
 Ticinensis, & S. Laurentius Mediolanen-  
 sis aderant. Præter Episcopos, 58. Pres-  
 byteri, & duo viri Sæculares Magistratu  
 insignes Amandianus, & Diogenianus in-  
 terfuere. Misenus ex illis Episcopis De-  
 legatis

legatis aliquis, qui Constantinopoli Sum- Sæculum V.  
A. C. 495.  
mi Pontificis Mandata transgressi fue-  
rant, Libellum supplicem Concilio obtu-  
lit, quem prælegit Diaconus Anastasius,  
forte idem, qui anno sequenti electus est  
Papa. In illis precibus Misenus efflaga-  
tabat, ut Patres ipsius misererentur, Se-  
nis, infirmi, timentisque, ne extra Eccle-  
siæ Communionem Morte occuparetur.  
Jussit Pontifex, ut ingrederetur. Ipse  
admissus in terram se demisit, atque ut  
erat prostratus alterum libellum porre-  
xit, in quo Hæresi, & Personæ Eutychis,  
ejusque Sectatoribus præsertim Diosco-  
ro, & Acacio Constantinopolitano Ana-  
thema dicebat.

Cum Gelasius interrogasset, quid Con-  
cilium sentiret, omnes Episcopi, & Pres-  
byteri surgere, & clamare: *Jesu Chri-  
ste exaudi nos! longam vitam Gelasio!*  
Has voces vices repetierunt. *Utere a  
Deo tibi data Potestate!* Duodecies.  
*Imitare S. Petrum!* Decies. *Rogamus  
te, ut ignoscas!* Novies. Iphis tandem  
confidentibus Gelasius dixit: *Dum sacra  
Sedes Misenum, & Vitalem condemnavit,  
spem veniæ non abstulit. Vitalis Dei  
Judicium subiit, quin ipsi auxilium fer-  
re potuerimus. Istum autem, dum hac au-  
sa adhuc fruitur, recipere sine mora oportet.  
Itaque ad nostram denuo Communionem,  
& Sacerdotium admittetur.* Om-

H 3 nes

Sæculum V.  
A. C. 495.  
nes Episcopi, & Presbyteri, surgentes sæpius acclamando consensum suum professi sunt, Papam tanquam Jesu Christi Vicarium agnoscentes, additis votis, ut in Sede Romana S. Petri annos expleret. Sixtus Ecclesiæ Romanæ Notarius jubente Papa hujus absolutionis Acta conscripsit, & ipse Pontifex in hoc Concilio adversus obstinatos Græcos multum dixit.

## §. XXXIX.

*Euphemius Constantinopoli ejicitur.*

*Marcell.*  
*Chr. Theod.*  
*lect. lib. 2. p.*  
*559. Theoph.*  
*p. 120. an. 5.*  
*Anast.*

Interea Anastasius Imperator nihil non faciebat, quo Græcorum animi in Schismate obfirmarentur. Eodem anno 495. Viatore Consule, Euphemium Patriarcham Constantinopolitanum depoeni jussit, falso insimulatum, quod consilio & consensu juvisset rebelles Itauros, qui pristino favore Imperatoris Zenonis Popularis sui adhucdum feroces contra Anastasium sub ejus Regni auspiciis seditionem moverant. Quamobrem Episcopi, qui tunc Constantinopoli degabant, in Concilium coire jussi, & quia Imperatorem offensum nolebant, Euphemium deposuerunt, & excommunicarunt. Mox præcipiente Imperatore in ejus locum ordinatus est Macedonius Presbyter, Ecclesiæ Thesauro Præfectus,  
Nepos